

Certificazion linguistiche de Lenghe Furlane

Simulazion de prove Nivel B

Al corrispuint al nivel B1 dal Cuadri comun european di riferiment pes lenghis

Espression orâl

Espression orâl

Nivel B

Informazions su la prove

Inte prove di espression orâl si aciertin e si valutin la abilitât communicative e la paronance de lenghe fevelade. I candidâts a àn di dimostrâ chês capacitâts cuntun colocui sul argoment gjavât fûr a sorte dai stes candidâts fra chei individuâts de comission.

La gridele chi sot e furnìs altris dâts utii:

Durade massime de prove	20 minûts
Minim dai ponts	15
Massim dai ponts	25

Te pagine seguitive si ripuarte cualchi esempi di prove. Te prove di certificazion, il candidât al varà di disvilupâ dome un argoment.

Espression orâl

Nivel B

1. Lavôr

Ce lavôr fasistu, e indulà? Ce âstu studiât par fâ chest lavôr? Isal ce che tu volevis o ti plasaressial fâ alc altri? Ce ti daial plui sodisfazion e ce isal invezit mancul stimolant? Ce conseis i daressistu a un zovin che al tache a fâ il to lavôr?

2. Viazâ

Cuâl isal il lûc che tu âs cognossût viazant e che ti à plui maraveât? Parcè? Ce diferencis âstu notât cul puest là che tu sês a stâ tu? Ce cjaparessistu sù di chê realtât par puartâlu ca di nô? E ce invezit puartaressistu là de nestre realtât?

3. Cusinâ

Par solit, a cjase tô cusinistu tu o cualchidun altri? Cuant che cualchidun al cusine par te, cun cuâl mangjâ ti fasial plui content/e? Se tu cusinis tu, quale pitance ti vegnie miôr e quale no rivistu propit a fâ? Cuâl isal il plat o l'aliment no locâl che ti plâs di plui e parcè? Ce no rivaressistu mai a mangjâ e parcè? Se tu âs di gustâ di buride, par vie che tu sês a vore o a scuele, ce âstu miôr mangjâ e cemût ti organizistu?